



Հավելված N 538

ՀՀ Էկոնոմիկայի նախարարության
գլխավոր քարտուղարի
2019 թ. հունիսի 26-ի N 636-Ա հրամանի

**ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ ՊԱՇՏՈՆԻ ԱՆՁՆԱԳԻՐ
ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ ՌԱԶՄԱՎԱՐԱԿԱՆ ՈԼՈՐՏՆԵՐԻ
ՎԱՐՉՈՒԹՅԱՆ ԾԱՆՐ ԱՐԴՅՈՒՆԱԲԵՐՈՒԹՅԱՆ ԲԱԺՆԻ ՊԵՏ**

1. Ընդհանուր դրույթներ

1.1. Պաշտոնի անվանումը, ծածկագիրը

Էկոնոմիկայի նախարարության (այսուհետ՝ Նախարարություն) ռազմավարական ոլորտների վարչության (այսուհետ՝ Վարչություն) ծանր արդյունաբերության բաժնի (այսուհետ՝ Բաժին) պետ (ծածկագիրը՝ 23-32.25-Ղ4-1)

1.2. Ենթակա և հաշվետու է

Բաժնի պետն անմիջական ենթակա և հաշվետու է Վարչության պետին:

1.3. Ենթակա և հաշվետու պաշտոններ

Բաժնի պետին անմիջական ենթակա և հաշվետու են Բաժնի աշխատողները:

1.4. Փոխարինող պաշտոնի կամ պաշտոնների անվանումները

Բաժնի պետի բացակայության դեպքում նրան փոխարինում է Բաժնի գլխավոր մասնագետներից մեկը:

1.5. Աշխատավայրը

Հայաստան, ք. Երևան, Կենտրոն վարչական շրջան, Միեր Մկրտչյան 5

2. Պաշտոնի բնութագիրը

2.1. Աշխատանքի բնույթը, իրավունքները, պարտականությունները

1. ապահովում է ծանր արդյունաբերության ոլորտում տիրող վիճակի մոնիթորինգի իրականացման աշխատանքները.

2. ապահովում է ծանր արդյունաբերության քաղաքականության մշակման աշխատանքները.

3. ապահովում է ոլորտում իրավահարաբերությունները կարգավորող օրենսդրական բացթողումների, ինչպես նաև գործող ձեռնարկություններում առկա խնդիրների վերհանման և դրանց վերացման ուղղությամբ առաջարկությունների ներկայացման մշակման աշխատանքները.

4. ապահովում է ծանր արդյունաբերության մեջ ազգային կարևորագույն ներդրումային և նորարարական նախագծերի ձևավորման, իրականացման և պետական աջակցության վերաբերյալ առաջարկների մշակման աշխատանքները.

5. ապահովում է ծանր արդյունաբերության զարգացման խոչընդոտների վերհանումը և դրանց վերացման ուղղությամբ առաջարկությունների ներկայացման աշխատանքները.

6. ապահովում է ծանր արդյունաբերական ոլորտում գործունեություն ծավալող ձեռնարկությունների առկա տեխնոլոգիական մակարդակի գնահատման համար առաջարկությունների մշակման աշխատանքները.

7. ապահովում է քիմիական արդյունաբերության զարգացման պետական քաղաքականության ձևավորման ու իրագործման առաջարկների մշակման աշխատանքները.

8. ապահովում է քիմիական արդյունաբերության քաղաքականության մշակումը.

9. ապահովում է քիմիական արդյունաբերության ոլորտի զարգացմանն ուղղված պետական ծրագրերի նախագծերի մշակման աշխատանքները.

10. ապահովում է մասնակցությունը քիմիական արդյունաբերության ոլորտներում տեխնոլոգիական վերազինման և ինովացիոն լուծումների ներդրման աջակցության հիմնական մեխանիզմների, ուղղությունների և գործողությունների վերաբերյալ առաջարկությունների մշակման աշխատանքներին.

11. ապահովում է քիմիական արդյունաբերության ոլորտներում տիրող վիճակի մոնիթորինգի իրականացման աշխատանքները.

12. ապահովում է ոլորտներում իրավահարաբերությունները կարգավորող օրենսդրական բացթողումների, ինչպես նաև գործող ձեռնարկություններում առկա խնդիրների վերհանումը և դրանց վերացման ուղղությամբ առաջարկությունների ներկայացման աշխատանքները.

13. ապահովում է քիմիական արդյունաբերության ոլորտներում ազգային կարևորագույն ներդրումային և նորարարական նախագծերի ձևավորման, իրականացման և պետական աջակցության վերաբերյալ առաջարկների մշակման աշխատանքները.

14. ապահովում է նախկինում քիմիական արտադրություն իրականացնող և ներկայումս չգործող կամ մասնակի գործող ընկերությունների վիճակի ուսումնասիրման ու գնատատման, ինչպես նաև դրանց վերագործարկման ուղղությամբ առաջարկությունների մշակման աշխատանքները.

15. ապահովում է մասնակցությունը ԵԱՏՄ շրջանակներում ոլորտային համագործակցության զարգացման ու խորացման աշխատանքներին.

16. ապահովում է մասնակցությունը տեխնիկական կանոնակարգմանն առնչվող իրավական դաշտի մշակման իրականացման աշխատանքներին, այդ թվում՝ ԵԱՏՄ շրջանակներում ԵԱՏՄ սակագնային և ոչ սակագնային կարգավորման աշխատանքներին:

Իրավունքները՝

- համագործակցել համապատասխան պետական կառավարման և տեղական ինքնակառավարման մարմինների և գործարար համայնքի հետ ծանր և քիմիական արդյունաբերության քաղաքականության մշակման և միջնաժամկետ վերանայման աշխատանքների շրջանակում.

- տնօրինել համապատասխան մարմիններից ծանր և քիմիական արդյունաբերության

ոլորտների ռազմավարական փաստաթղթերի ու իրավական ակտերի նախագծերի վերաբերյալ անհրաժեշտ տեղեկություններ.

- ստանալ ծանր և քիմիական արդյունաբերության ոլորտների հարցերով զբաղվող միջազգային կազմակերպություններից անհրաժեշտ փաստաթղթեր և տեղեկատվություն.

- մասնակցել Նախարարության տարբեր ստորաբաժանումների և շահագրգիռ մարմինների ներկայացուցիչների հետ ծանր և քիմիական արդյունաբերության ոլորտներում ներդրողների կողմից բարձրացված հարցերի և խնդիրների լուծման համար աշխատանքային քննարկումներին.

- տնօրինել զարգացած և զարգացող երկրների ծանր և քիմիական արդյունաբերության քաղաքականության և ներդրումների ներգրավման համար կիրառվող միջոցների ու մոտեցումների վերաբերյալ շահագրգիռներ մարմիններից անհրաժեշտ տեղեկատվությունը.

- մասնակցել ծանր և քիմիական արդյունաբերության ոլորտներին առնչվող հարցերի քննարկման համար համապատասխան միջազգային կառույցների ներկայացուցիչների հետ հանդիպումներին.

- ստանալ համապատասխան շահագրգիռ մարմիններից ծանր և քիմիական արդյունաբերության ոլորտներին առնչվող հարցերի պարզաբանումներ և բացատրություններ.

- պահանջել շահագրգիռ մարմիններից ամբողջական տեղեկատվական փաթեթ ծանր և քիմիական արդյունաբերության ոլորտների ներդրումային միջոցառումներին և համաժողովներին մասնակցելու համար.

- ստանալ դիվանագիտական կապուղիներով արտասահմանյան երկրներից տեղեկատվություն ծանր և քիմիական արդյունաբերության ոլորտների քաղաքականությունների, ներդրումների ներգրավման, ներդրումների պաշտպանության համար կիրառվող միջոցների ու մոտեցումների վերաբերյալ:

Պարտականությունները՝

- համակարգել ծանր և քիմիական արդյունաբերության մեջ, ծանր արդյունաբերության ոլորտում ազգային կարևորագույն ներդրումային և նորարարական նախագծերի ձևավորման իրականացման և պետական աջակցության վերաբերյալ առաջարկների մշակման, համապատասխան իրավական ակտերի և դրանց նախագծերի մշակման համար անհրաժեշտ աշխատանքները, համագործակցելով շահագրգիռ մարմինների հետ.

- հսկել ծանր և քիմիական արդյունաբերության ոլորտների քաղաքականության մշակման և դիտանցման, անհրաժեշտ վերլուծությունների կատարման, համապատասխան առաջարկությունների նախագծերի մշակման աշխատանքները.

- հսկել ծանր և քիմիական արդյունաբերության ոլորտների առնչվող իրավական ակտերի վերաբերյալ, ինչպես նաև նախագծերի մշակման համար առաջարկների ներկայացման աշխատանքների կատարման ընթացքը.

- համակարգել համապատասխան մարմինների կամ անհատների կողմից ներկայացված հարցադրումներին ընթացք տալու աշխատանքների իրականացումը.

- ամփոփել իրավական ակտերի նախագծերի, առաջարկությունների, եզրակացություններ նախապատրաստելու, ինչպես նաև մեթոդական պարզաբանումների և ուղեցույցների մշակման իրականացման աշխատանքները.

- հսկել ծանր և քիմիական արդյունաբերության ոլորտների ֆորումների, համաժողովների խորհրդակցությունների կազմակերպման աշխատանքները.

- ամփոփել և ներկայացնել առաջարկություններ, տեղեկանքներ, հաշվետվություններ, միջնորդագրեր, գեկուցագրեր և ընթացք տալ այլ գրությունների նախագծերը:

3. Պաշտոնին ներկայացվող պահանջները

3.1. Կրթություն, որակավորման աստիճանը

Բարձրագույն կրթություն

3.2. Մասնագիտական գիտելիքները

Ունի գործառույթների իրականացման համար անհրաժեշտ գիտելիքներ

3.3. Աշխատանքային ստաժը, աշխատանքի բնագավառում փորձը

Հանրային ծառայության առնվազն երեք տարվա ստաժ կամ չորս տարվա մասնագիտական աշխատանքային ստաժ կամ տնտեսագիտության բնագավառում՝ չորս տարվա աշխատանքային ստաժ:

3.4. Անհրաժեշտ կոմպետենցիաներ

Ընդհանրական կոմպետենցիաներ՝

1. Աշխատակազմի կառավարում
2. Քաղաքականության վերլուծություն, մոնիթորինգ
3. Որոշումների կայացում,
4. Ծրագրերի կառավարում
5. Խնդրի լուծում
6. Բարեվարքություն

Ընտրանքային կոմպետենցիաներ՝

1. Փոփոխությունների կառավարում
2. Ժամանակի կառավարում
3. Ժողովների և խորհրդակցությունների կազմակերպում և վարում
4. Փաստաթղթերի նախապատրաստում

4. Կազմակերպական շրջանակը

4.1. Աշխատանքի կազմակերպման և ղեկավարման պատասխանատվությունը

Պատասխանատու է համապատասխան մարմնի կառուցվածքային ստորաբաժանման կամում գործող կառուցվածքային միավորի աշխատանքների կազմակերպման և ղեկավարման համար:

4.2. Որոշումներ կայացնելու լիազորությունները

Կայացնում է որոշումներ համապատասխան մարմնի կառուցվածքային ստորաբաժանման կամում գործող կառուցվածքային միավորի աշխատանքների կազմակերպման և ղեկավարման

շրջանակներում:

4.3. Գործունեության ազդեցությունը

Ունի գերատեսչական մակարդակում աշխատանքների կազմակերպման և քաղաքականության իրականացման ապահովման և իր լիազորությունների իրականացման արդյունքում այլ անձանց վրա ազդեցություն:

4.4. Շփումները և ներկայացուցչությունը

Շփվում և որպես ներկայացուցիչ հանդես է գալիս տվյալ մարմնի, այլ պետական մարմինների և կազմակերպությունների ներկայացուցիչների, ինչպես նաև օտարերկրյա պետությունների և միջազգային կազմակերպությունների ներկայացուցիչների հետ իր իրավասությունների շրջանակներում:

4.5. Խնդիրների բարդությունը և դրանց լուծումը

Իր լիազորությունների շրջանակներում բացահայտում, վերլուծում և գնահատում է իր կողմից ղեկավարվող կառուցվածքային միավորի գործառույթներից բխող խնդիրները և դրանց տալիս լուծումներ: